

處

采月臺

明一統志在府城中宋時築

景高臺

明一統志在府城中

趨霞臺

常山縣志在金川門山巔

月波臺

天啟衢州府志在開化縣金錢山北宋山長

江天然建天然二子俱中神童科朱子過訪為書月

波臺

朱熹月波臺詩潺潺流水注回塘中作平臺受晚涼四面不通車馬跡一尊聊飲芰荷香韓公

無復吟花鳥楚客何妨賦葺房少待須臾更清徹月華零露洗塵床

殷浩宅

元豐九域志在西安縣基地猶存土人號曰

殷墻

天啟衢州府志在西安縣南六里信安故城中浩在晉為中將軍建元間北伐為姚襄所敗廢

為無人取居於此其地猶存道傍有小石室其神為介冑之像

鄭革宅

弘治衢州府志西安縣乾石山五峯拔起隱

者鄭革居其下夜見光怪訪其處得古劍戟二

趙抃宅

弘治衢州府志在西安縣北五里孝悌里初

抃喪繼母與弟拊廬墓縣令過勗榜其里曰孝悌築

闕立表樓鑰為書忠孝之家

明一統志趙抃故居宋咸淳中郡守立為清獻

書院


王安宅

名勝志西安翠微山宋招討使王安所居

陳師錫宅

弘治衢州府志在府治西南隅宋崇寧間

陳師錫謫居於此民愛其賢故稱陳殿院宅宋建



毛自知宅 西安縣志臥龍山在縣東其下為宋狀元

毛自知所居亦名狀元峯

馬天驥宅 萬曆龍游縣志資福山左為馬府即宋樞

密馬天驥宅

陸秀夫宅 龍游縣志縣南有桃源宋陸秀夫以忤賈

似道嘗棲於此今呼尚書塢

王介宅 嘉靖浙江通志常山縣賢良峯宋王介讀書

其下後舉賢良第故以名峯

江躋宅 明一統志常山縣北薦峯宋侍御史江躋故

宅在焉

樊曾宅 天啟衢州府志常山縣北有疊石崖上有窟

宋學士樊曾居焉

徐國鎮宅 天啟衢州府志常山縣西形弓山宋咸淳

間徐國鎮讀書其中愛之遂徙居焉

祝臣宅 天啟衢州府志在江山縣郎峯下


毛漸宅 天啟衢州府志在江山縣禮賢溪西

毛注宅 天啟江山縣志並在鎮安清漾

柴弓宅 衢州府志八行柴弓宅在江山縣長臺

徐揆宅 衢州府志宋徐宅卿宅在江山縣仕陽

毛晃宅 嘉靖衢州府志在江山縣沙堤宋鐵硯先生



東... 卷四十一

毛晃父子閉門著書處今為高齋書院

姜夔宅 天啟衢州府志在江山縣石城

吾衍宅 天啟衢州府志吾衍元初居開化縣石井後

寓杭之生花坊 天啟江山縣志

洞菴 弘治衢州府志在郡治塵外堂傍

仙巖洞天 明一統志西安縣仙巖太祖兵下江西過

此鄉書仙巖洞天刻於石

溪菴 趙抃有題毛維瞻溪菴詩見衢州府志

幽巖精舍 周必大烏石山題名烏石山龍游境也其

上幽巖精舍今為宗室儀秦孝王功德寺

潛心室 嘉靖浙江通志在江山縣長臺宋柴禹聲建

青霞洞天 方輿勝覽在開化縣 景禎開化縣志內有妙高臺翰雲磴寂光

菴谷口堂雲巢繡谷堂梅谷普潤池妙湛池崇蘭塢漆林竹嶺聽雲菴翠軒菊泉見程俱詩

雙石 西安縣志郡治前有小蛾眉峯唐乾符間 刺史

季穀置砦龍山得二石長六尺取置文會閣宋淳化

間郡守慎知禮移於治前積土為峯後訛為郭璞墓


宋紹聖中郡守孫賁發之宣和中郡守高至臨復歸

故處明郡守李遂又復去雙石植於游矚亭之側其

發雙石處即今戒石亭也

石鼓 天啟衢州府志在龍游縣九里橋葉公宅外余


力修新工通志 卷四十一 古蹟十




端禮幼時從學一日赴學早門未啟端禮假寢鼓上
葉公夢黑龍蟠鼓起視見端禮焉

烏石山古松 [龍游縣志] 山口古松一株幾歷千禩婆
娑特甚


勅修浙江通志卷四十八



國家圖書館 NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.



勅修浙江通志卷四十九

古蹟

嚴州府

古郡城

嚴陵志在今淳安縣乃郡城舊址吳賀齊所

築縣西古城基則其外城也

晉太子城

新定續志在今淳安縣西梓桐鄉普慈山

之巔相傳晉太子嘗避地築城於上今跡猶存

始新城

水經注浙江又左合絕溪溪水出始新縣西

東逕縣故城

功興紀要在淳安縣西六十里威平鎮吳賀齊置縣於此

古嚴州城

名勝志在桐廬縣西十五里桐江西岸隋



NATIONAL CENTRAL LIBRARY, TAIPEI



3246881 v.21



仁壽一年鴻臚寺丞蘇綸築

桐廬故城 萬曆桐廬縣志在縣西二十五里吳黃武

四年築隋開皇九年并縣入錢塘其城遂廢今孝泉鄉漏港有故址存焉

古縣城 嚴陵志在桐廬縣治西北十五里唐貞觀二十年廢桐江西岸城改築開元二十六年以水患復

移城桐江口即今縣治是也故邑人謂此為古縣城嚴州府志元張士城令其部將劉興據桐廬謀築城毀安樂塔及牛山臨江築闕取其祐石掘地作河事尋寢今市中心及橫橋一帶隱然隆起者皆新城基也

唐寓之城 方輿紀要在桐廬縣東南三十五里南齊


永明中築地名舒弘治嚴州府志寓之富陽人傳居桐廬南齊永明二年冬聚黨作亂郡丞張思祖遣淡口戍主楊休武拒戰大破之事載南齊史今相傳為孫思亂時寓之築城以禦寇自齊永明上距晉隆安孫思之變八十有六年不知舊經何據也

遂安古城 萬曆遂安縣志在木連村溪北唐武德四年遷縣治於今處其故城廢而址存

壽昌舊城 嘉靖壽昌縣志即今桂村東臨小溪乃七里橋也城壕形跡尚存

新昌城 方輿紀要在壽昌縣西永平鄉孫吳時置昭德城方輿紀要在分水縣西北嘉德里唐寶應二

年築



宋遂安軍節度治 嚴陵志在子城正南宣和三年知

州周格建門曰遂安軍門

宋州治 嚴陵志舊在子城內正北宋宣和三年知州

周格重建元末燬

宋諸廳 新定續志通判廳在軍門內西添差通判廳

在東山下淳熙丙午陳公亮創知錄叅軍廳在嚴州

門內街西司理叅軍廳在嚴州門內街東路分廳舊

無定居南渡後在堯率寺東觀察支使廳節度推官

廳觀察推官廳司戶叅軍廳司法叅軍廳並在遂安

軍門內東偏

宋倉庫 新定續志都倉在子城東門內街北平糶倉

附常平倉軍資庫在儀門外街西甲仗庫在州衙廳

西廡樓屋上回易庫在儀門外街西公使庫在州衙

廳東廡樓屋上抵當庫在州東比較務抵質庫在遂

安軍門內之東醋庫在遂安軍門街東合同場在善

利門內都酒務在嚴州門外比較務在州東下市贍

軍務在和平門外都商稅務在比較務東東津稅務

在東津神泉監在望雲門外西

宋軍營 新定續志遂安軍在子城內即嚴州治也威

果營在望雲門內街南雄節營在望雲門內街南崇



節營在軍門內街東壯城營在安流門內牢城營在

州南寧節營附在牢城營屯駐兩指揮並寓廂軍營

宋貢院 嚴陵志舊在甍率寺西淳熙乙巳知州陳公

亮就州學之西建

宋建德縣尉司 嚴陵志在府治東南隅之阜俗坊今

稅課司即司舊基

漢新都郡治 萬曆嚴州府志舊在新定里今淳安地

名勝志淳安縣在二國為始新即新
都郡治在隋為新安即睦州治也

吳新安郡治 嚴陵志在淳安縣城正北依山阜為之

即今縣治

漢始新縣治 嚴陵雜識在今淳安縣西六十里永平

鄉名勝志後漢書建安十三年遣威武中郎將賀齊
討安縣歙因表葉鄉為始新縣此置縣之始今縣

西六十里永平鎮有賀將軍
祠志稱縣在永平鄉者是也

漢始新尉治 水經注立始新之尉於歙之葉鄉

隋雉山縣治 嚴陵志在淳安縣南二里大業初遷於

此唐神功元年徙今治

漢新定縣治 太平寰宇記漢建安十三年置新定縣

詳見
壽昌縣志

隋遂陽縣治 萬曆嚴州府志舊在遂安縣之本連村

吳唐武德四年遷於五獅山之南是為今治



吳新昌縣治嚴陵志在壽昌縣西永平鄉六都花園
 平吳分富春立新昌縣治於此今地名猶曰故城坂
 元西塢寨嘉靖壽昌縣志縣西南梅峯之頂望金衢
 英二州之境歷歷在日山有壘號西塢寨乃元時鎮守
 之地

唐昭德縣治嚴陵志在分水縣西北生仙鄉嘉德里

唐寶應中析分水置昭德縣於此

唐分水縣尉司新定續志分水縣尉廨相傳為唐時

建宋政和間簷瓦墜有唐會昌四年八月字

宋定安寨新定續志在分水縣東二十里吳村

瀟灑園輿地紀勝郡治圃之總會也舊名後築

杏園新定續志在郡治瀟灑園池之西

北園新定續志在郡治自為一區淳祐己酉知州趙

孟傅改建讀書堂

西園新定續志通判廳有園曰西園為亭三曰第一


開亭舊名梅亭曰愛蓮亭曰仰高亭舊又有茹亭湛

東碧蔬畦三亭建德尉嚴康朝撰西園記

多慶園名勝志宋新定驛舊在州南門外謂之行衙

林即多慶園舊址

水竹園新定續志在桐廬縣定安鄉地名吳村唐乾



朱符間吳璵舍園為長樂院

桂館輿地紀勝在郡治瀟灑園池之西

西館嚴陵志在安泰門外

東館嚴陵志在府城東南五里前臨江岸今為富春

驛書

定川館萬曆嚴州府志在定川門外臨歙江

錦溪館陳羣繡衣堂記余治淳安淳熙辛丑夏四月

既葺錦溪館又一月而繡衣堂成乃屬王君勉中大

書其榜

雉山館嘉靖淳安縣志在縣西南五代時建

桃李莊新定續志在郡治瀟灑園池之西

相莊萬曆嚴州府志宋齊龍高淳安人創讀書之室

聚徒授學

昇平圃新定續志在分水縣街前揖巖山後帶雙峰

亭館久廢

高風堂新定續志在郡治治事廳之東紹興七年知

州董弁建汪藻高風堂記漢之二祖皆以布衣取天


角里先生世祖時有若嚴子陵皆人主不得而臣者

園綺四人避秦之亂入商維山帝雖高此四人召之

莫能致也嚴子陵亦厭新室之暴不肯辱其身逮光

武帝猶披羊裘釣澤中雖三聘僅能一致而卒不為

太子之招畫自安之策正國本於談笑而史不記其



所終故西漢之士聞其風而慕之者以計行為得而
 風節減於功名子陵本帝故人既物色求之而來高
 卧不朝帝為親幸其館漢焉不應終其身退耕於野
 故東漢之士聞其風而慕之者尚風節以功名為不
 足道也子陵世家富春既歸耕於家後人名其釣處
 為子陵瀨今釣瀨并臺俱存而富春之境析為嚴州
 紹興七年吾友董弇令昇為是州期年政成乃為堂
 於州治之左日從賓客觴詠其上而名之曰高風以
 景慕先生之賢且立文正范公所建祠堂碑於其傍
 而求予文為記令昇可謂能尚友千古矣故余論先
 生出處大概以告
 令昇使併刻之

思范堂

新定續志在郡治瀟灑樓下

嚴陵志後人思范仲淹之遺愛

名故

秀岐堂

新定續志在郡治黃堂之北舊名省心知州錢

可則以近郊獻雙穗麥因更此名

黃堂

新定續志郡治設廳之北為黃堂舊名凝香

賦梅堂

嚴陵志在府治而山閣下即黃堂舊址宋淳

祐十二年知州季鏞以黃堂局於設廳之北易名賦

梅

燕堂

新定續志在郡廳事之北又北為綠陰堂

南薰堂

新定續志在通判公廳右嘉定癸酉通判謝

采伯建


錦繡堂

新定續志在通判廳南薰堂右淳祐辛亥通

判吳溥建

風月堂

新定續志在通判公廳後宋景定庚申通判



曹元發仍以舊扁題之

平分風月堂 新定續志在添差通判公廳後

琢句堂 嘉靖淳安縣志在縣治內宋嘉定元年知縣

鄭湜建 鄭湜琢句堂記湜至淳安縣治東有讀書林

皆無名訪其營創之始則曰前二十年令章君子獲

為新安郡治在隋唐為睦州後改治建德改曰新安

日雉山口還淳曰青溪宣和間又改今名方昔之為

新安也溪山之勝聞天下今縣治在半山間前臨溪

其南羣山萃然爭出若顧若揖忻於相遇跋其東溪

亦可見乃即其址而南之再旬浹而屋成凡規模短

長略皆如舊前加崇軒面勢羣山高明亢爽絕出巒

塵之外遂為縣治環偉絕特之觀取東波送李陶

通直赴青溪有溪出琢句新之云遂以琢句名之

勤清堂 嚴陵志在淳安縣治內宋嘉定五年知縣楊

恕建

待問堂 嚴陵志在淳安縣學宋淳熙六年知縣陳羣

建嘉定九年知縣應與權改名謹教堂十三年知縣

趙崇斌改名崇化堂淳祐四年知縣趙崇蟠改名化

成堂

萬溪書堂 萬曆嚴州府志在淳安縣邑人方有開建

朱熹為書扁

睦山堂 葉適睦山堂銘序周茂良居睦源家傍山拱

水揖望神洞白雲遠近顯敞作屋聚書草木修列余

名之曰睦山堂



敬悅堂 錢時敬悅堂記吳正甫築堂曰敬悅又築亭

於池上曰詠春既為作隸古字且為記

聞絃堂 萬曆桐廬縣志在縣治宋慶元五年知縣陳

宋興建

招隱堂 新定續志在釣臺書院紹興八年知州董彝

建

清風堂 遂高堂 新定續志淳祐辛亥知州趙汝歷

重建釣臺書院由官廳而右為講堂榜曰清風北為

複屋榜曰遂高

萬卷書堂 萬曆桐廬縣志在縣後宋進士方慤建

思遜堂 萬曆嚴州府志在壽昌縣治縣在萬松山

時枕山為思遜堂

漾月齋 嚴陵志在府治西安泰門外西湖

虛舟齋 張栻虛舟齋銘序遂安詹儀之體仁闡齋於

便坐以其虛以長也則題之曰虛舟

正已軒 嚴陵志在淳安縣治宋建

杜笏軒 名勝志淳安縣尉廳西序嘉靖淳安縣志乾

道中尉周操建 周莘杜笏軒記今吏部尚書周公歲

序為藏修校讐之地面勢羣山壯聳聯峙名之曰杜

笏軒迨今三十稔莘適踵後塵至此則其室已墟矣
獨環翠競秀自若也忽一日鄉老先生葛勉之出示
周公杜笏軒二詩且謂莘曰賢者之興而愚者之廢



公與尚書公同里通內諧與其廢詎宜後幸日興不專乎賢廢不必乎愚以周公而興之誠賢也其所以廢之者果皆愚乎廢而復興者果賢乎願推之於滴相值而泯其賢愚可也請於邑大夫得官錢十萬以供是役取故名書以揭於楹間

梅隱軒

新定續志在淳安縣尉司

羊裘軒

新定續志在桐廬縣釣臺書院紹興四年知

州顏為建

瑞芝軒

萬曆嚴州府志在桐廬縣禪定院宋紹興間

張浚訪分水王縉憇於寺中經宿而芝草生僧構此軒以表之

聽松軒

萬曆桐廬縣志在縣南俞深著書之所軒側

多松

觀魚軒

萬曆桐廬縣志在質素鄉俞星叟隱居

植賢亭

松月亭 新定續志郡治治事廳之東北為

植賢亭為松月亭

銀潢左界亭

新定續志郡治內東溪射圃之南有亭

曰銀潢左界舊名飛練

賞春亭

嚴陵志在府治內後圃宋嘉祐中知州趙抃


建趙抃賞春亭詩羣芳開遍滿亭隈當盡芳尊醉看來始信春光無限好亂山窮處亦花開

環翠亭

輿地紀勝在郡治千峯榭之東

錦窠亭

新定續志在釀泉之南舊名采岐寶祐中知



州吳槃改今名

鸞鷲亭

新定續志在郡治掬泉為流觴曲水舊名流

羽其東北為釀泉

秀亭

新定續志添差通判廳有秀亭枕東山為之足

遠眺望寶祐癸丑通判楊敬之重建越三年乙卯通

判吳堅以舊扁題之

翔蛟亭

新定續志在郡治東溪之南

環溪亭

方輿勝覽在郡城中唐建

方干睦州呂郎中郡中環溪亭詩為

是山才登望處風光便是武陵春閒花半落猶迷蝶白鳥雙飛不避人樹影睡餘侵枕簟荷香坐久著衣

中暫來此地非多明主奚容借冠狗

盍簪亭

新定續志在郡治東舊名東館淳祐中知州

季鏞重建

分歛亭

嚴陵志在府治南紹興八年知州董弁為亭

以待艤舟者以其下臨歛江取孫權分歛之義為名

溪山偉觀亭

新定續志在郡城朝京門南與南山瀟

灑亭相望羣山獻奇二江成字桅櫓下此一舉目而

盡得之景定辛酉知州錢可則建

孤高亭


輿地紀勝郡城西山上舊有孤高亭

玉泉亭

萬曆嚴州府志玉泉在府城東烏龍山麓宋

時嘗構亭於上

趙抃玉泉亭詩潺湲朝暮入神清落澗通池繞郡廳亂石長松三十里尋



源須上
玉泉亭

萬松亭

嚴陵志在建德縣北烏龍山

瀟灑亭

新定續志在建德縣光孝寺後山上

錢可則登瀟灑亭

亭詩有緣結得南山境瀟灑亭高最可人此景古今吟不盡熙熙客裏且行春方回兩至南山飲瀟灑亭詩悠悠桐江水寓廬十二年重來六日內兩日登南山南山有何好高閣西北偏隔江三千家一抹烟霧間閣檻一巨松挺出衆木前野性所酷愛老藤相糾纏亦如我與僧相對談幽禪稍遂物外性屢寫賦中篇故侯復齊民鬢髮成華顛念當舍此去焉得長周旋

泳澤亭

新定續志在湖隄上與湖心寺相望傍為二

亭曰淨碧曰汎清景定辛酉知州錢可則建

湖光亭

嚴陵志在府治西和平門外跨西湖紹興七

年知州胡寅建

聖泉亭

方回聖泉亭記建德縣尹卜君元奠禱雨烏

龍山既而送泉還山有井木出古湫底取視則昔人

所書聖泉二字令尹乃議復其舊而識之

晨光亭

嚴陵志在建德縣湖心寺東一名浸雲

安流亭

新定續志在郡治東朝京門外江滸

要津亭

萬曆嚴州府志在建德縣南濟川橋景定庚

申知州錢可則建

凭遠亭

秋風亭

深秀亭

環碧亭

嚴陵志並在

淳安縣治圃內宋建



昌亭

嚴陵志在淳安縣東十里梁天監二年郡守任

昉於此亭送客

物外亭

輿地紀勝在淳安縣南山上林木陰翳

青溪勝槩亭

嘉靖淳安縣志在縣南南山下百丈橋

南岸

嚴陵志舊名南
峯亭後改為樓

溪山風月亭

宋用張溪山風月亭記環淳皆山也青

溪之南有梅花峯其下風潭百頃今程子以中構亭

其間名之曰溪山風月

泉亭

嘉靖淳安縣志在仙翁井一名冷水亭

皆喜亭

嘉靖淳安縣志在縣南七十五里遼嶺之巔

其山峻絕至此皆喜

鶴迹亭

嘉靖淳安縣志在合山之下獅子山仙翁廟

側

更清亭

西麓亭

山亭

新定續志並在桐廬縣圃

萬曆桐廬縣志淳熙間縣令向澣建更清亭明正
德中知縣張瑩得更清石刻於土中置於後壁

豐亭

嚴陵志在桐廬縣西社稷壇上宋嘉祐申令劉

公臣建

合江亭

嚴陵志在桐江口舊名濟亭宋治平間令曾

黠改名臨江亭元絳復改為合江亭後為合江樓亦

登覽之勝也

新定續志淳祐中知縣楊瑱重建王堃
書扁吳子良為記李恭合江亭詩一絲



風下碧雲天亭上牕開霽色鮮嚴子釣臺青樹裏桐君丹竈白雲邊千家畫棟前朝屋百里清江過客船
蕭灑桐廬幾興廢
野花山鳥自年年

艤棹亭

桐江游錄桐廬南瀕江其地頗雄勝宋嘉定

十七年令趙汝憚建亭於上

望江亭

萬曆桐廬縣志在縣北鳳宮嶺嚴陵志宋時

高僧儀鳳山立

乳泉亭

嚴陵志桐廬縣珠山之側有乳泉上有亭

遐矚亭

桂崖亭名勝志在桐廬縣東鳳凰山宋丞

相曾懷嘗寓此築遐矚桂崖二亭以資游息

砥如亭

萬曆桐廬縣志在縣西北宋紹興中里人袁

昇建

拱翠亭

嚴陵志在桐廬縣西舞象山前宋紹定元年

令張拱新之

鳳凰亭

萬曆桐廬縣志在桐君山

東臺亭

西臺亭新定續志釣臺有東西二臺東臺

舊有亭更爲亭於西臺對立相望淳祐辛亥知州趙


汝歷建

客星亭

程敏政客星亭記嚴先生祠之東故有客星

閣弘治丙辰巡按吳公瀚至嚴州詢閣之故址不獲

天乃於祠西得地焉易閣爲亭以還舊觀甘茶露鼎築



天下十九泉亭

嚴陵雜志釣臺下泉甚甘茶經品第

天下水味此泉居第十九舊時江岸有天下十九泉

亭

玉泉亭

萬曆桐廬縣志在富春山下宋淳熙十一年

郡守陳公亮以泉色如玉建亭江瀕榜曰玉泉

錦峯繡嶺亭

萬曆桐廬縣志在富春山峽中元至正

元年總管羅廷玉建

三公不換亭

嚴陵志在富春山前元至正元年總管

羅廷玉建

許劍亭

宋遺民錄釣臺對岸謝翱墓右有許劍亭其

友方鳳以翱作許劍錄故作此亭從翱志也

萬曆州府志

桐廬嚴俗以翱無子與社中友買地釣臺南葬之築此亭

宋景文與申合築

夕社亭

嚴陵雜志在釣臺南宋謝翱有夕社因以名

亭

嚴陵志在富春山前元至正元年總管羅廷玉建

清心亭

登雲亭

飽山亭

筋橋亭

貯清亭

新

定續志並在遂安縣治

昌樂山土山川之類類帶

巖姿亭

新定續志在遂安縣治依山為之

薰風亭


嚴陵志在遂安縣治元達魯花赤邊玉律建

潺湲亭

名勝志在遂安縣唐會昌六年縣令李公廉

建去治南二十五里

山亭



山亭 新定續志遂安縣山亭記知縣孫應時撰

雲宅亭 新定續志遂安縣雲宅亭記吏部員外郎朱

大觀亭 萬曆遂安縣志在縣北瀛山書院

極目亭 新定續志在壽昌縣治山上山川之勝映帶

南昌勝景亭 新定續志在壽昌縣衙景定庚申知縣

黎舉德建亭之南榜曰屏山第一峯

涵碧亭 嘉靖壽昌縣志在縣治宋景定庚申令黎舉

德建其亭做舟為之

龍首亭 新定續志在壽昌縣東青龍山景定開知縣

黎舉德與邑人徐南一築亭其上

聖水亭 嘉靖壽昌縣志在東岳行祠元至元乙亥知

縣尹子玉作

小蘭亭 嘉靖壽昌縣志在九曲洞澗澗溝作九曲以泛

觴題咏甚多

清風亭 沈周有壽昌清風亭詩書各紫翠題刻志采

白雲亭 晏公類要在分水縣唐羅萬象隱於紫邏山

築白雲亭而居

高青亭 嚴陵志在分水縣學宋張卽之書扁

古蹟十一

古蹟十一



望江亭

新定續志在分水縣東五里

窪泉亭

分水縣志在縣東南白沙嶺宋建

濯纓亭

新定續志在分水縣甘泉寺東

瀟灑樓

新定續志郡治正堂北舊名紫翠嚴陵志宋

宣和中知州周格建

范仲淹瀟灑桐廬郡十絕瀟灑桐廬郡烏龍山靄中使君無一

事心與白雲空瀟灑桐廬郡開軒即解顏勞生一何苦日日面青山瀟灑桐廬郡全家長道情不逢歌舞

事遠舍石泉聲瀟灑桐廬郡公餘午睡濃人生安樂處誰復問千鍾瀟灑桐廬郡春山半是茶輕雷何好

事驚起雨前芽瀟灑桐廬郡家家竹引泉令人思社牧無處不潺湲瀟灑桐廬郡千家起畫樓相呼采蓮

去更上木蘭舟瀟灑桐廬郡清潭百尺餘溪翁應有道所得是嘉魚瀟灑桐廬郡嚴陵舊釣臺江山如不

勝光武肯教來瀟灑桐廬郡身閑姓亦真香一挂臨老悟黃庭

謹按范仲淹以仁宗景祐元年為郡守周格以宣和四年為郡守是瀟灑樓之名起於周格因仲淹

有北十絕

鼓角樓

嚴陵志在府治儀門外宣和三年知州周格

建

洪音樓

萬曆嚴州府志在府治西上有巨鐘

勳書樓

萬曆嚴州府志在府學宋乾道五年知州張

栻建

甘棠樓

嚴陵志在府治西善利門北城角俯臨西湖

自唐有之

光風霽月樓

新定續志在添差通判公廳左宋淳祐



十一年通判潘墀建

聚星樓嚴陵志在淳安縣馬巖山方逢辰讀書之所

天邊風露樓嘉靖淳安縣志在縣東二十里瀕江宋

邑人盧珏建

方逢辰為記盧珏天邊風露樓詩十二

歷輕帆轉烟樹重重幽鳥啼但覺興隨流水遠不知身與白雲齊年來先寄東君信多種梅花在屋西

登雲樓嚴陵志在淳安縣東九十里相傳為方逢辰

讀書之所蓬萊山人為記

白雲樓名勝志宋淳安邵炳築樓名曰白雲隱其上

時稱白雲先生

嚴陵志在淳安縣東靈巖源

慶豐樓新定續志在桐廬縣衙東酒壚寄焉

逐高樓嚴陵志在桐廬縣釣臺前宋淳祐十一年

守趙汝歷建

竹樓萬曆嚴州府志在桐廬縣西北安樂鄉

晉戴顒寓桐江王羲之往訪之因游於此作竹樓

玉華樓新定續志在分水縣衙東酒坊在焉

面山閣新定續志在郡治錦窠亭之東

潺湲閣新定續志郡治荷池之東為潺湲閣

夕暉閣嚴陵志在府治西安泰門外西館

觀風閣嚴陵志在府治北拱辰門外

竹閣萬曆嚴州府志在府治西能仁寺南偏宋景祐



中范仲淹守郡日嘗賦詩後人更名思范亭紹興九

年重葺復舊名嚴州府志思范亭即竹閣基明知府

劉綱塑文正像其中以呂成公配之范仲淹和章岷推官同登承天

寺竹閣詩猶閣倚寒竹幽襟聊一開清風曾未足明月可重來曉意烟垂草秋姿露滴苔佳賓何以竚雲

瑟與霞孟劉述和題竹閣詩竹閣寒相倚雲窓曉共開間身方外去幽意靜中來聲響風隨籜陰移石上

苔遲留更清夜待月露盈盃名勝志右二詩治平中刻石置於思范亭

謹按竹閣詩見於范文正公集郡志作阮逸誤也

江閣 方干有桐廬江閣詩

靈香閣 嚴陵志在建德縣西北兜率寺宋熙寧中學

士蘇頌為記

曇華界閣 建德縣志在城西西湖寶華洲

瀟灑閣 方回有南山寺瀟灑閣詩見桐江續集

聖醮閣 嚴陵志在桐廬縣治北城隍廟側宋建今為

公館

競秀閣 明一統志在桐廬縣東下瞰長江景為一邑


之冠宋米芾書扁嚴州府志昔人號為小金山朱翌競秀

閣詩輞川遙展右丞圖盤谷中藏李愿居龍睡潭深飛客棹鳳鳴枝老結吾廬但令蠟展去前齒安用鴟

夷託後車西望子陵三十里烟雲來往問何如

高風閣 嚴陵志在釣臺東宋紹定元年郡守陸子適

容建閣



客星閣

新定續志在釣臺書院紹興四年知州顏為

高建閣

雲峯烟水閣

新定續志在釣臺書院臨流為閣宋淳

祐辛亥知州趙汝歷建後改為山高水長閣元至正

元年總管羅廷玉修

鳳鳴高閣

萬曆桐廬縣志在桐君山

清芬閣

萬曆桐廬縣志在白雲源宋景祐中范文正

守睦謁方干故居有詩云幽蘭在深處終日自清芬

後人因建閣名曰清芬

清暉閣

嚴陵志在遂安縣郭內相傳宋時建郡人姜

師仲記

戴星閣

新定續志在遂安縣治

冷風閣

嚴陵志在府治東高風堂北卽干峯榭之基

月臺

新定續志郡治思范亭之北為月臺

釣臺

晏公類要桐廬縣西二十九里有嚴陵釣臺嚴

陵雜志富春山上東西二釣臺漢嚴子陵隱釣處

水經

思

注桐廬縣凡十有六瀨第二是嚴陵瀨瀨帶山山下

有石室嚴子陵之所居也嚴陵志嚴子陵釣臺山邊

有石名為釣壇東西對峙高百餘丈下瞰大江古木

叢林鬱為麓藪宋景定中范文正守睦乃建嚴先生

祠堂於臺下其東巖絕壁乃唐處士方辛舊隱由其

地勝景絕人多留題元祐八年縣令鄭瑛集古今詩

文二百餘篇名曰釣臺集釣臺考證宋開禧元年郡

守孫叔豹於富春山絕頂榛莽中得廢田頃許又見



屋址磚石之類當是嚴先生田廬先生故居在嚴山之下今有嚴村居人皆嚴氏自以為先生之後云許渾釣臺詩天晚日沉沉孤舟繫柳陰江村平見寺山郭遠聞砧樹密猿聲響波澄雁影深榮華暫時事誰識子陵心又釣臺絕句湖去潮來洲渚春山花如錦草如茵嚴陵臺下桐江水解釣鱸魚有幾人

思臺 嘉靖淳安縣志在縣東南盧溪元孝子姜兼所

居兼終喪時陟其上望墓哀號因名思臺方道獻思臺文集序

姜君之里為虛溪居釣臺上游水尤清激旁小阜特起宛與釣臺類君終喪未歸猶旦暮登陟其上遥望隔浦松栢向墓號動以寫蓼莪無窮之戚表其臺曰孤苦望思太守覃懷薛公起吾為之記

江公望宅 嚴陵志在府治西南里仁坊宋諫議大夫

江公望所居嚴陵雜志內有大井

方儼宅 嚴陵志淳安縣都督山漢方儼所居儼嘗為

大都督因以名山

方昊宅 名勝志在淳安縣五代方昊以節義自高講

學上貴精舍以終其身

邵冕宅 萬曆嚴州府志淳安縣霖嚴洞昔邑人邵冕

讀書於此其子炳復築室於洞側隱居焉元祐中通


判楊備訪之為名其洞曰霖岩

商瑗宅 嘉靖淳安縣志在遼源芝山宋嘉祐中西夏

都知兵馬使商瑗入朝奏事因留家焉今山麓多商

姓所居

錢時宅 新定續志在淳安縣招賢里融堂先生錢時



所居其講學著書之所為齋者四曰高齋冬窩安素

蜀阜為堂者三曰此山敬止慶光登臨吟咏之所為

亭者五曰巋然歲寒咏歸山翁野翁吟光風霽月其

歸自史館乃創經史閣以貯書籍

萬曆嚴州府志滄浪亭亦亭可亭並

在招賢里錢時故居

黃蛻宅

嘉靖淳安縣志在縣東龍山鄉合洋宋淳祐

方逢辰宅

嚴陵志在淳安縣靈巖山宋時方逢辰舍

方逢嘉宅

名勝志在淳安縣馬巖山下逢嘉累薦皆

呂人龍宅

嘉靖淳安縣志淳安縣鳳山在永平鄉有

盧珏宅

新定續志在淳安縣雙玉里珏宅產雙竹知

胡椿齡宅

嘉靖淳安縣志在東湖藕絲山宋進士胡

胡杲宅


嚴陵志淳安縣雙桂源宋有胡杲五世義居

桐君宅

晏公類要在桐廬縣東一里

許邁宅

名勝志桐廬縣西常山晉許邁自餘杭來結



樓以居其址尚存

戴顓宅

太平寰宇記桐廬縣戴山宋徵士戴顓所隱

處

萬曆桐廬縣志縣東戴山劉宋時會稽戴顓與其兄弟來隱於此絕頂頗平傍有九田灣有顓煉丹

壺

陳京宅

萬曆嚴州府志在桐廬縣歌舞鄉風泉里京

至孝刺史蕭定以聞旌其門更其鄉曰至德里曰如

魯大曆十年立石紀其事

方干宅

呂祖謙釣臺記嚴陵瀨之旁為白雲源乃唐

詩人方處士之故廬范文正公之游釣臺也嘗絕江

訪其遺跡以其像寘祠之左

嚴陵雜志方干初居桐廬之鷓鴣源後徙鑑湖

方回夜宿鷓鴣源詩小序鷓鴣源亦曰白雲村即唐

家唐元英歲翁之於其自乃元英遠孫提幹若秘

之家方干思桐廬舊居便送客上人詩莫道東南路

不賒魚信步是天涯林中秋半雙臺月洲上春深

九里引細樹遠村舍細雨寒細青郭卷平沙聞柳却

到鄉中去為我殷勤謝酒家

鷓鴣舟鷓鴣港白雲滿高原借問元英居遺構無復有

精靈峩百載山鬼憑幽昏獨遣文字香隱隱草樹根

轉盼東山麓彷彿見柴門啼猿助悽切亦復銷我魂

漁父趣歸棹牛羊下前村長揖者誰子未識情已溫

云十有六葉咸通之耳孫細想幽人後風雅天所敦相携就茆屋一笑酌瓦尊

李頰宅

嘉靖壽昌縣志在縣西永平鄉八都

出窮吾道東西自未能捲簾惟對鶴開書獨留僧落

章八元宅

萬曆桐廬縣志常樂鄉章邑里唐進士章

八元家於此



呂本中宅

萬曆嚴州府志本中寓居桐廬縣蘆茨源

黃裳宅

嚴陵志在桐廬山中垂雲洞黃尚書裳所居

裳自號紫元居士改洞名紫元

江端友宅

萬曆嚴州府志江端友寓居桐廬縣蘆茨

源自號七里先生

劉元珦宅

嚴陵志在桐廬縣西北十五里今寧國寺

詹大方宅

萬曆遂安縣志在五獅書院之後宋樞密

詹大方故宅其孫駉中淳熙狀元因名其臺為狀元

臺下有漱芳亭

翁洮宅

名勝志在壽昌縣西十里青山下唐聘君翁

洮隱居之所

翁洮春晚歸故山書亭壁詩於故地傍小池綠楊修竹遶池圍樹藏鶯囀而

初過花引蝶來春未歸踟躕半生成底事故懷今日始知非從今更與沙鷗約我已忘機汝莫飛

胡楚材宅

嘉靖壽昌縣志在縣西南黔山宋秘書郎

胡楚材以剛直忤權貴歸隱此築室其上故址尚存

周大雅宅

萬曆嚴州府志在壽昌縣艾溪南大雅廬

墓三年有羣鳥馴其旁趙清獻抃請於朝錫以束帛

改其鄉曰至孝里曰求忠

邵嘉言宅

嘉靖壽昌縣志宋吏部侍郎邵嘉言宅在

縣西永平鄉七都

童淑宅

嘉靖壽昌縣志宋贈太尉童淑宅在縣南仁



豐鄉童源

葉三省宅

嘉靖壽昌縣志宋封遂安縣公葉三省宅

在縣西永平鄉六都

葉義問宅

名勝志壽昌縣西四靈山宋樞密葉忠簡

義問故居在焉

施肩吾宅

嚴陵志在分水縣延招鄉今多施姓皆其

後裔有施憲者藏肩吾告身注云睦州分水縣桐峴

鄉寶城里人

嚴陵雜志皇祐中邑令陳備作肩吾集序謂肩吾出於延招觀冊告則云桐峴

鄉寶城里今縣境不復有此鄉是後世改爲延招耳

徐疑宅

嚴陵雜志施肩吾徐疑皆分水人疑居柏山

肩吾居延招今二村以施徐爲名而宗裔甚繁

千峯榭

方輿勝覽在州宅自唐有之嚴陵志在府治

青東北偏跨子城之上宋景祐中范仲淹重建下爲松

關後人重建易名曰冷風臺紹興二年知州潘良貴

復舊名

方千題睦州郡中千峯榭詩豈知平地是天

台朱戶深沉別徑開戈響露蟬穿樹去斜行沙鳥向池來窓中早月當琴榻墻上秋山入酒盃何事此中如世外應緣羊祜是仙才

木蘭舟

新定續志郡治荷池之西爲木蘭舟舊名荷

淨

三墩

嚴陵志一在通判治前一在建德縣治前一在

黃水南俗傳爲郭璞窰



讀書林 新定續志在淳安縣治園內

柵源 明一統志在淳安縣東吳賀齊與山越戰樹柵於此

宋齊邱石室 舊浙江通志在淳安縣東北蔗山旁宋齊邱讀書於此

錦沙村 太平寰宇記青溪縣錦沙村傍山依壑冠軍吳喜聞而造焉彌旬忘返嘆曰名山美石故不虛賞

青溪村居 戴叔倫有青溪村居詩

時里石門 嚴陵志在淳安縣西四十里輿地志云石門關神門也常為霧塞無人得見


仙壇 名勝志在淳安縣西北數里有岡阜隆起昔漢氏即其中架屋名曰仙壇

仙居書屋 萬曆嚴州府志在淳安縣南遼源溪洞嶺商輅構

松竹林 嚴陵志在桐廬縣治宋政和間令黃預建

董舉圻 名勝志桐廬縣西獨山下有白水湖傍有晉夏孝先孝子泉唐里人司徒董舉居泉側天旱舉露禱運石瀦水既而沙漲成圻因以為號

滄江書舍 嚴陵志在桐廬縣西北十五里距江不百武乃唐比部方助之別業宋名儒方慤之故居



錢王擔石

嚴陵志在桐廬縣西北二石重疊人呼錢

王擔石

錢王水穴

名勝志在桐廬縣赤洲嶺相傳吳越王錢

鏐微時嘗憇嶺上其當膝處忽成穴有泉涌出名錢

王水穴

藍田精舍

嚴陵志在桐廬縣西北藍田山宋時里人

姚勢創精舍於上遺趾在焉

太湖書屋

嚴陵志桐廬縣太湖塘里人俞蓋築室湖

南以為讀書之所號太湖書屋

鳳市

嚴陵志俗名鳳臺在分水縣西舊傳昔人開古

塚有鳳飛出因於其側名鳳市有雛橋大小雛村之

名

柏石

新定續志郡治高風堂北有柏石刻壽柏二字

識其古也

石船

新定續志在建德縣胥口西瀕江叢石中長一

古丈有半宛然小舟也

能仁院鐘

嚴陵志州城能仁院有一鐘制度頗工吳

越錢元珣鑄

古枝木

舊浙江通志在遂安縣十一都山頭相傳唐

時物



古虬松

舊浙江通志在遂安縣琅瑯嶺根柯斑駁若

虬龍相傳秦漢時物

羅漢松

萬曆遂安縣志在縣東惠安寺寺唐時建有

羅漢松二株今存其一

古靈鐘

舊浙江通志在遂安縣元至元十六年造後

遷於縣東樹聲樓

勅修浙江通志卷四十九

勅修浙江通志卷五十一

古蹟

溫州府

舊子城

萬曆溫州府志在今府城內梁開平初錢氏

始築周三里十五步通四門內衛府治外環以水元

至元十三年廢為民基止存譙樓門址

舊城門

萬曆溫州府志舊東門在舊州治東有樓名

華蓋又名東樓亦名華蓋門南樓門在舊州治西南

宋末為右相都監衙永豐門在舊州治西北奉恩門

在城中北俗稱海壇江山門在拱辰門西名來化俗



古虬松

舊浙江通志在遂安縣琅瑯嶺根柯斑駁若

虬龍相傳秦漢時物

羅漢松

萬曆遂安縣志在縣東惠安寺寺唐時建有

羅漢松二株今存其一

古靈鐘

舊浙江通志在遂安縣元至元十六年造後

遷於縣東樹聲樓

勅修浙江通志卷四十九

勅修浙江通志卷五十一

古蹟

溫州府

舊子城

萬曆溫州府志在今府城內梁開平初錢氏

始築周三里十五步通四門內衛府治外環以水元

至元十三年廢為民基止存譙樓門址


舊城門

萬曆溫州府志舊東門在舊州治東有樓名

華蓋又名東樓亦名華蓋門南樓門在舊州治西南

宋末為右相都監衙永豐門在舊州治西北奉恩門

在城中北俗稱海壇江山門在拱辰門西名來化俗



稱寶幢門明洪武十七年塞定安門俗稱上門與來

化永清二門相聯在城西北宋高宗回鑾由此三門

其名以此洪武十七年塞張又新華蓋樓詩一岫陂

霞愁來始上消歸思見盡江城數萬家李兩山華蓋

樓詩三十六坊如掌平長橋短艇六縱橫銀河一道

新城萬曆溫州府志新城去府城六里在江北賢宰

鄉郭璞初議立城於此後遷過江今其地為田野猶

稱新城云

樂清縣故城隆慶樂清縣志唐天寶三年始築僅周

一里元... 詳見城池萬曆溫州府志縣城故址唐築

南曰清遠西曰

舊州治名勝志在譙樓大街正北明洪武元年以為

衛治萬曆溫州府志舊治在城西南華蓋橋西宋高

宗建炎四年正月丙午御舟次於章安鎮甲子

泊溫州港丙寅次館頭戊辰幸福聖寺二月己卯次


江心寺庚寅御駕自拱北門入民家皆結綵奉迎至

永寧橋百官拜伏道傍山呼震地上停輿慰問至今

巷名萬歲球儀衛由五馬新街至州治以州治為行

宋推官廳萬曆溫州府志今溫州府治是也

唐永嘉縣舊治元和郡縣志永嘉縣即漢回浦縣之



東甌鄉唐上元二年於此置溫州縣移在州東百八

十步

詳見公署

吳羅陽縣治

名勝志在瑞安縣吳時縣治在北湖魯

魯晉太寧間遷於邵嶼遂墟其地

晉橫陽縣治

元和郡縣志晉太康元年分安固縣南

橫嶼屯置橫陽縣

溫州府志今平陽縣地

眾樂園

明一統志在郡城西舊郡治北縱橫一里中

有大池塘亭榭碁布花木彙列宋時每歲二月開園

設酤盡春而罷

永嘉縣志今府城隍廟皆其舊址

五美園

永嘉縣志郡東南大羅山傍有茶山上有龍

潭其下有五美園

黃淮游五美園詩清曉肩輿入微溪流曲折護巖扉布金甌地

成幻卓錫為菴信不非翠竹黃花俱淨供風聲鳥語總禪機碧潭龍女知人意收却陰雲送客歸

柑園

楊蟠永嘉百咏有柑園詩

玉介園

萬曆溫州府志郡城東偏華蓋山上有玉介

園

永嘉縣志王叔杲叔果築陽湖別墅嘯咏其中名其集曰玉介園稿

西園王十朋有昌齡弟新闢西園詩又西園十咏詩

在樂清

趙園

溫州府志在瑞安縣金甌

陳傅良游金甌趙園詩脉脉循簷水林林

夾岸山令兒從竹下領客入雲間稠木容人過懸崖着手攀從今名字出不到徑苔斑

上浦館

明一統志在府城東七十里



樂成館

溫州府志樂清縣舊有樂成館唐建

孟浩然樂成館

中懷歸詩異縣不隅僻孤帆海畔過往來鄉信斷留
滯客情多臆月聞雷震東風感歲和蟄蟲驚戶穴巢
鵲吟庭柯徒對芳樽酒其如伏
枕何歸與理舟楫江海正無波

招仙館

東甌遺事樂清縣簫臺下有招仙館

蓮花莊

溫州府志在郡城會昌湖上宋鄭泰臣之故

居

湖莊

趙師秀有和陳水雲湖莊詩見溫州府志

宋莊

王十朋宋莊詩注宋侍郎別業在思遠樓之南

有軒名遙碧

西堂

方輿勝覽在州宅

甌江逸志謝靈運西堂春草
池在華蓋山下即夢惠連得

句之所今
遺跡尚存

讀書堂

明一統志在舊郡治謝靈運讀書於此

謝靈運

中讀書詩昔余游京華未嘗廢邱壑矧乃歸山川心
迹雙寂寞虛館絕諍訟空庭來鳥雀卧疾豐暇豫翰
墨時間作懷抱觀古今寢食展戲謔既笑沮溺苦又
西子雲閣執戟亦以疲耕稼豈云樂萬事難並歡達
生幸
可託

清心堂

明一統志在舊郡治

呂由誠清心堂詩夜榻
卧看池上月曉窗吟聽

竹間風此心所得無多真
事要在靈源一點通

秋香堂

萬曆溫州府志在舊郡治後

君子堂

萬曆溫州府志在舊郡治舊名芙蓉亭在天

池中三面皆荷花



總政堂

溫州府志在府治元建

趙鳳儀溫州路總政堂記

視事所也夫治國如治絲然紛者整之散者一之總之義也溫為浙左上路領二州二縣坐總政者有監有長有貳佐領挈而表振也表正而影從也其總政之義與堂始於至元庚辰距今四十年而興翹顛末無一語以示厥後予以延祐丁巳冬來守詢吏民莫知所對作而言曰是予責也已春秋一門一臺之微必書慎其事也況總庶政達萬民者乎是宜書

夢草堂

萬曆溫州府志在今衛治後即謝靈運西堂

劉基夢草堂遺懷詩即事在自得強歌非正音所以春草句聲價重兼金若人千載下遺響逸難尋淒涼一池塘賴爾得至今我來當杪秋天淨潢潦沉枯荷有餘香衰柳無殘陰鼓鞀響未已山水意徒深感時念兄弟惻滄傷我心

戲彩堂

方輿勝覽在倅廳通判趙吼迎其父清獻公

拈來遂名

蘇轍戲彩堂詩春曉安輿過浙東永嘉別業喜無窮橐裝已笑分諸子更道何妨向

薛公

百詠堂

萬曆溫州府志在府治東

西射堂

晏公類要在州城西南十里

謝靈運晚出西射堂詩步出城西

西門遙望城西岑連嶂疊巘翠杳深沉曉霜楓葉丹夕照嵐氣陰節往感不淺感來念已深羈雌戀舊侶迷鳥懷故林含情尚勞愛如何離賞心撫鏡華緇鬢攬帶緩促衿安排徒空言幽獨類鳴琴

東山堂

名勝志在永嘉縣積穀山下宋周行已建

翁卷

東山草堂詩城隅古謝村博士草堂存雅見烟霞起全無市井喧鶴來巢木杪龍出戲蒲根渣得吟詩客憑關看幾番

海月堂

楊蟠永嘉百咏有海月堂詩

